

ODLUKU**O DODJELI U ZAKUP POSLOVNOG PROSTORA U
ULICI M. M. BAŠESKIJE BROJ 7. OBJEKAT
KVADRANT XII**

1. Poslovni prostor u ulici M. M. Bašeskije broj 7. - objekat Kvadrant XII (podrum površine 207,00 m², posebna poslovna zona), dodjeljuje se u zakup Vijeću mladih Općine Stari Grad Sarajevo.
2. Korisnik poslovnog prostora iz tačke 1. ove Odluke je dužan plaćati mjesečnu zakupninu u iznosu od 1,00 KM po m².

3. Općinski Načelnik će, sa korisnikom iz tačke 1. ove Odluke, zaključiti ugovor o korištenju poslovnog prostora. Ugovor se zaključuje na period od godinu dana sa mogućnošću produženja ukoliko zakupac bude izvršavao svoje obaveze iz ugovora.

4. Ova Odluka stupa na snagu narednog dana od dana objave u "Službenim novinama Kantona Sarajevo".

Broj 02-49-495/13
Novembra 2013. godine
Sarajevo

Predsjedavajući
Općinskog vijeća
Stari Grad Sarajevo
Vedran Dodik, s. r.

OPĆINA VOGOŠĆA**Općinsko vijeće**

Na osnovu člana 71. stav 1. tačka 5. Statuta Općine Vogošća ("Službene novine Kantona Sarajevo", broj 3/09 - Novi Prečišćeni tekst, 52/12 i 28/13) i člana 43. Poslovnika Općinskog vijeća Vogošća ("Službene novine Kantona Sarajevo", broj 12/09, 5/11, 2/13 i 44/13), Općinsko vijeće, na sjednici održanoj 05.12.2013. godine, donijelo je

RJEŠENJE**O RAZRJEŠENJU ČLANA KOMISIJE ZA
PROVOĐENJE JAVNOG KONKURSA ZA DODJELU
GRADSKOG GRAĐEVINSKOG ZEMLJIŠTA****I**

Hrnjić Ibrahim, SDA, razrješava se dužnosti člana Komisije za provođenje javnog konkursa za dodjelu gradskog građevinskog zemljišta, zbog smrti.

II

Rješenje stupa na snagu danom donošenja, a objavit će se u "Službenim novinama Kantona Sarajevo".

Broj 01-05-2323/13 Predsjedavajući
05. decembra 2013. godine Općinskog vijeća Vogošća
Vogošća **Esad Pknjač, s. r.**

Na osnovu člana 71. stav 1. tačka 5. Statuta Općine Vogošća ("Službene novine Kantona Sarajevo", broj 3/09 - Novi Prečišćeni tekst i 52/12 i 28/13) i člana 43. Poslovnika Općinskog vijeća Vogošća ("Službene novine Kantona Sarajevo", broj 12/09, 5/11, 2/13 i 44/13), Općinsko vijeće, na sjednici održanoj 05.12.2013. godine, donijelo je

RJEŠENJE**O IZBORU ČLANA KOMISIJE ZA PROVOĐENJE
JAVNOG KONKURSA ZA DODJELU GRADSKOG
GRAĐEVINSKOG ZEMLJIŠTA****I**

Hasanspahić Eldin, SDA, bira se za člana Komisije za provođenje javnog konkursa za dodjelu gradskog građevinskog zemljišta.

II

Rješenje stupa na snagu danom donošenja, a objavit će se u "Službenim novinama Kantona Sarajevo".

Broj 01-05-2324/13 Predsjedavajući
05. decembra 2013. godine Općinskog vijeća Vogošća
Vogošća **Esad Pknjač, s. r.**

Općinski načelnik

Na osnovu člana 46. Zakona o prostornom uređenju Kantona Sarajevo ("Službene novine Kantona Sarajevo", broj 7/05) i člana 23. i člana 72. Statuta Općine Vogošća ("Službene novine Kantona Sarajevo", broj 3/09, 52/12 i 28/13), Načelnik Općine Vogošća, dana 29.11.2013. godine, verificirao je

ODLUKU**O KOREKCIJI REGULACIONOG PLANA "CENTAR
VOGOŠĆA" STAMBENO-POSLOVNI OBJEKAT P+4+M****Član 1.**

Usvaja se korekcija Regulacionog plana "Centar Vogošća" ("Službene novine Kantona Sarajevo", br. 16/00), u daljem tekstu: Korekcija Plana.

Član 2.

Korekcijom Plana stvaraju se planski preduvjeti za izgradnju stambeno-poslovnog objekta, spratnosti P+4+M, na zemljištu označenom kao dio k.č. 2066/1, dio k.č. 2066/3 i dio k.č. 2067/1 k.o. Vogošća, po novom premjeru, prema sljedećim urbanističko-tehničkim uslovima, odnosno na način:

- Objekat je spratnosti P+4+M, max građevinska linija objekta iznosi 12,30x22,0 m., a ucertana je na način kako je prikazano u grafičkim prilogima br. 2, 3 i 4.
- Namjena planiranog objekata je stambeno-poslovna.
- Obzirom da nije bilo prostornih mogućnosti za parkiranje vozila unutar planiranog objekta ili građevinske parcele, parking prostor će se obezbijediti u susjednom objektu višeeetažne garaže za vozila, sa minimalnim brojem 1 stan - 1 parking mjesto (20 PM), i određenim brojem parking mjesta za potrebe poslovnog dijela objekta (cca.10 PM).
- Regulaciona linija odnosno građevinska parcela objekta je uređena na način kako je prikazano u grafičkim prilogima br. 2, 3 i 4.

Član 3.

Korekcija Plana sastoji se iz tekstualnog dijela i grafičkog priloga. Tekstualni dio i grafički prilog korekcije Plana su sastavni dio Regulacionog plana "Centar Vogošća" ("Službene novine Kantona Sarajevo", br. 16/00).

Član 4.

Korekcija Plana je rađena za fazu urbanizma, a obaveza investitora je da za faze komunalne infrastrukture izvrši usaglašavanje Korekcije Plana sa Idejnim rješenjima, koja su sastavni dio Regulacionog plana "Centar Vogošća", te pribavi saglasnost nadležnih javnih komunalnih preduzeća.

Član 5.

Po jedan primjerak ovjerene Korekcije Plana (tekstualni dio i grafički prilog) nalazi se na stalnom javnom uvidu i čuva se u Službi za urbanizam, prostorno planiranje, građenje, imovinsko-pravne i stambene poslove Općine Vogošća, Zavodu za planiranje razvoja Kantona Sarajevo i Ministarstvu prostornog uređenja i zaštite okoliša Kantona Sarajevo.

Član 6.

Ova Odluka stupa na snagu narednog dana od dana objavljivanja na oglasnoj ploči Općine Vogošća, a naknadno će se objaviti u "Službenim novinama Kantona Sarajevo".

Broj 02-02-2280/13 Načelnik Općine Vogošća
29. novembra 2013. godine **Edin Smajić, s. r.**

SLUŽBENE OBJAVE

UDRUŽENJA

Na osnovu člana 29. stav 1. Zakona o udruženjima i fondacijama ("Službene novine Federacije BiH", broj 45/02), a po zahtjevu Udruženja "Fudbalska akademija ACADEMICA", Ministarstvo pravde i uprave donosi

RJEŠENJE

1. Upisuje se u Registar udruženja koji se vodi kod Ministarstva pravde i uprave Kantona Sarajevo Udruženje "Fudbalska akademija ACADEMICA", skraćeni naziv je "F.A. ACADEMICA", sa sjedištem u Sarajevu, ulica Kolodvorska broj 7.
2. Upis je izvršen pod registarskim brojem 1867. knjiga IV Registra udruženja, dana 20.11.2013. godine.
3. Programski ciljevi i zadaci Udruženja su: Pomoć i podrška u pružanju sistematične, stručne, kontinuirane i kreativne edukacije mladih fudbalera/nogometaša, predškolskog, školskog i omladinskog uzrasta, u skladu sa zakonom; Rad na razvijanju i sistemskom praćenju i jačanju smisla za sportski duh i ponašanje, timski rad i uopšte ophođenje u kolektivu i društvu kod mladih fudbalera/nogometaša; Organizovanje seminara, okruglih stolova, simpozijuma, debata i drugih manifestacija u svrhu ostvarivanja djelatnosti Udruženja, u skladu sa zakonom; Štampanje knjiga, biltena, letaka, brošura i drugih publikacija, za članove Udruženja, u skladu sa zakonom; Saradnja sa udruženjima, organizacijama, institucijama vlasti i pravnim licima koja obavljaju iste ili slične djelatnosti, i imaju iste ili slične ciljeve, u zemlji i inostranstvu, ostvarivanja djelatnosti Udruženja u skladu sa zakonom; Zalažanje za organizovanje ljetnih i zimskih sportskih kampova, kako bi se kroz druženje i edukaciju doprinijelo razvoju sportske i cjelovite ličnosti mladih fudbalera/nogometaša, u skladu sa zakonom; kao i sve druge aktivnosti i poslovi značajni za članove "Fudbalske akademije ACADEMICA", u skladu sa zakonom.
4. Osoba ovlaštena za zastupanje i predstavljanje je: Kurtić Emir - predsjednik Udruženja.

Broj 03-05-05-12340/13
20. novembra 2013. godine
Sarajevo

Ministrica
Velida Memić, s. r.

(O-1094/13)

Na osnovu člana 29. stav 1. Zakona o udruženjima i fondacijama ("Službene novine Federacije BiH", broj 45/02), a po zahtjevu Udruženja "Grupa za razvoj društvenog poduzetništva", Ministarstvo pravde i uprave donosi

RJEŠENJE

1. Upisuje se u Registar udruženja koji se vodi kod Ministarstva pravde i uprave Kantona Sarajevo Udruženje "Grupa za razvoj društvenog poduzetništva", skraćeni naziv je "GRDP", sa sjedištem u Sarajevu, ulica HENDINA broj 9.
2. Upis je izvršen pod registarskim brojem 1864. knjiga IV Registra udruženja, dana 06.11.2013. godine.
3. Programski ciljevi i zadaci Udruženja su: Predlaganje, razvijanje i provođenje projekata utemeljenih na principima

društvenog poduzetništva; Promocija i razvoj društvenog poduzetništva i društvene ekonomije kao novog koncepta neprofitnog osnaživanja bh. ekonomije i društva općenito, na lokalnom i državnom nivou; Edukacija i osposobljavanje, naročito mladih, o konceptu društvenog poduzetništva; Ostvarivanje značajnog napretka u osvještavanju pojedinaca, naročito mladih, i njihovo osnaživanje za preuzimanje aktivne uloge u pozitivnim društvenim promjenama s ciljem ostvarenja ekonomski prosperitetnog i socijalno odgovornog društva; Poticanje, podržavanje i vođenje osposobljavanja svojih članova i drugih u Bosni i Hercegovini za aktivnije uključivanje u tokove planiranja i građenja mize i ekonomski prosperitetne bosanskohercegovačke budućnosti; Poticanje, razvijanje i promoviranje proaktivnog pristupa u borbi protiv svih društvenih pojava i društvenih devijacija koje su posljedica ili uzrok slabog ekonomskog stanja u BiH; Borba protiv nezaposlenosti, neimaštine i siromaštva, u funkciji snaženja bosanskohercegovačkog društva; Uspostavljanje veza i saradnje sa svim pojedincima, udruženjima, ustanovama i organizacijama koje imaju slične ili istovjetne ciljeve, ili sa kojima Udruženje ima zajednički interes; Osnivanje fondova koji služe poticanju, podržavanju i vođenju snaženja društvenog poduzetništva i povjerenja u bosanskohercegovačkom društvu.

4. Osoba ovlaštena za zastupanje i predstavljanje je: Malik Garibija - predsjednik Skupštine Udruženja.

Broj 03-05-05-10596/13
06. novembra 2013. godine
Sarajevo

Ministrica
Velida Memić, s. r.

(O-1117/13)

Na osnovu člana 29. stav 1. Zakona o udruženjima i fondacijama ("Službene novine Federacije BiH", broj 45/02), a po zahtjevu Udruženja Odbojkaški Klub "Block Out", Ministarstvo pravde i uprave donosi

RJEŠENJE

1. Upisuje se u Registar udruženja koji se vodi kod Ministarstva pravde i uprave Kantona Sarajevo Udruženje Odbojkaški Klub "Block Out", skraćeni naziv je DOK "BLOCK OUT", sa sjedištem u Sarajevu, ulica GRADAČAČKA broj 118.
2. Upis je izvršen pod registarskim brojem 1865. knjiga IV Registra udruženja, dana 14.11.2013. godine.
3. Programski ciljevi i zadaci Udruženja su: organizirani rad sa djecom i omladinom radi aktivnog bavljenja sportom (škola sporta), održavanje i unapređenje fizičkih i radnih sposobnosti sportista, organizacija i učešće u svim vrstama takmičenja od rekreativnih do vrhunskih, ostvarivanje i unapređenje sportskog stvaralaštva i postizanja vrhunskih sportskih rezultata, organizovanje raznih oblika vaspitnog i kulturno - zabavnog života članova kluba, saradnja sa drugim sportskim organizacijama i njihovim zajednicama, radi usklađivanja zajedničkih interesa razvijanja međusobnih sportskih odnosa, obezbjeđenje materijalnih sredstava za rad Kluba kao i drugi ciljevi i djelatnosti utvrđeni statutom Udruženja.
4. Osoba ovlaštena za zastupanje i predstavljanje je: Adnan Lojo - Predsjednik Udruženja.

Broj 03-05-05-9895/13
14. novembra 2013. godine
Sarajevo

Ministrica
Velida Memić, s. r.

(O-1135/13)